



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Reverendi Patris Vincentii Carafæ, Septimi Societatis Jesu Generalis

Bartoli, Daniello

Leodii, 1655

Præfatio Ad Patres Et Fratres Societatis.

urn:nbn:de:hbz:466:1-42928



P R A E F A T I O

A D

P A T R E S E T F R A T R E S
S O C I E T A T I S .



*S*ocietatis IESU lu-
men, & huius proprie
secundi nostri seculi ad-
huc ineuntis gloria, Vincen-
tius Carafa, Vobis, ô Socii
IESU, non Italis modò, ad quos
singulari quodam Prosapia, or-
tus ac domicilii jure pertinebat;
sed omnibus omnino, quibus uti-
que illum providentia Numinis

a

Præpo-

PRÆFATIO.

Præpositum Generalem, communemque Parentem dedit, ab eadem in omne virtutis exemplum proponitur. Qui enim pueritiam in sinu illustrissima sanctissimaq; matris Angelicè exegerat; Adolescentiam in Societate IESV, seu tiro, seu philosophiæ, theologiæq; auditor, seu disciplinarum humanitatis Præceptor, omni virtutum genere excoluit, virilemq; ac senilem atatem per omnes munerum gradus, duce S. P. N. Ignatio, cuius constitutiones præ oculis semper habebat, & Christo IESV, Mariaq; auspiciis, quos semper in medullis;
ad

PRÆFATIO.

ad supremum sanctimoniam apicem
evexit. Itaque magna semper
agere, nec minora pati, num-
quam tamen non humillimè de
se sentire; se ipsum semper vin-
cere, nec quidquam indulgere
sibi; fluxa mundi nihili facere,
& Parentum claritudinem obli-
visci: studio salutis animarum
ardere, nec laboribus parcere,
inopum egestatem medullitus mi-
serari, omniq; ope sublevare;
denique seraphica in Deum cha-
ritate ferri: qua singula virum
Religiosum majorem in modum
commendent, in Vincentio
emicuere universa. Adhuc aliis

PRÆFATIO.

Præfectus cum regendi suavitate, fortitudinem animi, constantiamque admirabili arte conjunxit: subjectus etiam post Neapolitanæ Provinciæ administrationem, tironum obedientiam, observantiamque adversus Præsules suos non æquavit tantum, sed & superavit: insuper utramque personam prodigiis celestibus, nec paucis, nec mediocribus illustravit, pergitque beatam, uti credere pronum, haud minoribus illustrare vitam. Habent igitur in eo viro uno universi seu Præsides, seu subjecti, commune omnibus germana religionis

PRÆFATIO.

ligionis exemplar : habent singuli propria virtutum exempla, qua in sui muneris administratione imitentur : habet denique hoc secundum Societatis nostræ seculum vivam S.P.N. Ignatii imaginem, digito Dei expressam, quam posteritas omnis intueatur. Quare, quod hominum Religiosorum est ; ejus vita, tamquam sanctimonie regula nostram aptare conemur : quod sociorum IESV ; ex hoc eximio IESV imitatore, fortiter agere ac pati discamus : quod filiorum ; tam nobilis Parentis vestigia ad mortem usque

PRÆFATIO.

*premamus. Ita mihi Vobisq̄s
ex animo voveo, omnium in
Christo Servus*

J. H.



PR O-